

Prome Minister y vice president di Banco Mundial a firma MoU

ORANJESTAD/WASHINGTON - Vice Presidente pa Latino- America y Caribe pa Banco Mundial Jorge Familiar a amplia un poco riba un MoU cu Banco Mundial a firma cu Prome Minister di Aruba Mike Eman.

“Esaki ta un prome paso importante den reforsa e relacionnan entre Banco Mundial y Aruba. Nos tin varios area di compromiso y nos ta bay traha cu Aruba den haci e caminda di desaroyo pa e isla



mas fuerte.”

Mi ta haya esaki algo hopi positivo y cu ta duna nos e oportunidad pa comparti loke nos ta siña di otro paisnan den e region y resto di mundo. Na mes momento nos ta siña di e experiencia di Aruba y comparti esaki cu otro pais y particularmente den e region Caribense.”

Sr. Familiar a bisa cu tin hopi area di interes y retonan cu ta afecta Caribe cu ta hopi relevante pa Caribe den su totalidad. Un di nan por ta e gastonan di un fundacion pa

crecimiento sostenibel. “Tin mas area di interes manera energia, energia renoba. En particular na Aruba unda a haci progreso nan grandi pa loke ta diversificacion di su energia y e metanan ambicioso pa futuro. E economia ‘blauw’ (innovacion) ta otro area di interes, e rol di oceanan y percura cu e fuenteenan di energia ta wordo bon manteni y haci uzo di ta sostenibel como crecimiento. Tambe otro areanan di diversificacion pa percura pa crecimiento.” □